

玉

海

八十一

玉海卷一百六十三

浚儀王應麟伯厚甫

宮室

閣

黃帝阿閣

鳳巢阿閣見中侯通曆

韓詩外傳黃帝時鳳皇止

阿閣

隋律志毛爽云黃帝聽鳳阿閣之下始造十

二律

黃帝扈閣

春秋正義說公羊者云

二云云

春秋緯云黃帝坐於扈

閣鳳皇銜書致帝前其中得五始之文 河圖錄運
法云黃帝坐立扈樓上與大司馬容光臨觀鳳皇之
至

堯阿閣

荀子注 見鳳皇類

漢石渠閣 詳見經解類

宣紀甘露三年三月詔諸儒講五經同異太子太傅
蕭望之等平奏其議上親稱制臨決焉乃立梁邱易
大小夏侯尚書 夏侯勝從兄子建 穀梁春秋博士 韋玄成
傳甘露中拜淮陽中尉受詔與太子太傅蕭望之及

五經諸儒雜論同異於石渠閣條奏其對上親制臨

決注師古曰石渠閣在未央大殿北藏祕書漢承明在石渠

閣外爲著庭石渠在未央殿北爲祕府居近君之地所以親儒生嚴助傳張晏注承明廬在石渠門外

五人爲侍御史宿廬在石渠門外劉向傳會立穀

梁春秋召更生受穀梁講論五經於石渠 儒林傳

施讎受田王孫易爲博士甘露中與五經諸儒雜論

同異於石渠閣 梁邱賀子臨傳賀學入說爲黃

郎甘露中奏使問諸儒於石渠臨學精孰 歐陽

餘治書爲博士論石渠 林尊授尙書歐陽氏學爲

博士論石渠 周堪與孔霸俱事夏侯勝論於石渠

經爲最高 張山拊事小夏侯爲博士論石渠假倉

以小夏侯學爲謁者論石渠 張生一本張長安 薛廣德

以魯詩爲博士論石渠 戴聖號小戴以博士論石

渠隋志戴聖石渠禮論四卷 聞人通漢以太子舍人論石渠並守禮學

易施讎梁邱臨書歐陽地餘林尊周堪孔霸張山

拊假倉詩張生薛廣德韋立成禮韋立成戴聖聞人

通漢春秋劉更生尹更始 黃圖石渠閣蕭何造其

下礮石爲渠以導水若今御溝因爲閣名所藏入閣

所得秦之圖籍又成帝於此藏祕書焉 藝文志書

議奏四十二篇禮議奏三十八篇春秋議奏三十九

篇論語議奏十八篇五經雜議十八篇石渠論共百

五十五篇

古文苑揚雄書雄爲郎之歲自奏心好

沈博絕麗之文有詔令尙書賜筆墨錢六萬得觀書

於石渠後蔡邕傳孝宣會諸儒於石渠章帝集學

士於白虎通經釋義其事優大翟酺傳宣帝論經

石渠學士滋盛弟子萬數唐藝文志漢興學校復

創石渠雄向校讎於前馬鄭論次於後西都賦天

祿石渠典籍之府命夫勉誨故老名儒師傳講論乎

六藝稽合乎同異

序曰武宣崇禮官考文章內設金馬石渠

西京賦天

祿石渠校文之處反遂初賦萬考天文於蘭閣覽

羣言於石渠 郊祀志光武紀注引漢宮閣疏

漢天祿閣

漢書天祿石渠注師古曰三輔故事曰天祿石渠並在未央大殿北以藏祕書漢宮閣疏天祿麒麟蕭何造以藏祕書處賢才

選注同

西都賦天祿石渠典

籍之府 西京賦天祿石渠校文之處 東京賦內

有天祿宣明

殿名

拾遺記劉向成帝末校書天祿

閣專精覃思夜有老人著黃衣植青藜杖扣閣進見向暗中獨坐誦書老父乃吹杖端烟因授向五行洪範之文恐詞說繁廣忘之乃裂裳及袖以記其言至

曉而去請問姓名云我是太一之精天帝聞卯金之

子有博學者下而觀焉乃出懷中竹牒有天文地理

之書曰余略授子焉

黃圖藏典
籍之所

揚雄傳校書天祿

閣上靈帝紀中平三年二月修玉堂殿鑄黃鐘四

天祿蝦蟆注天祿獸也天祿蝦蟆吐水於平門外今

登州南陽縣北有宗資碑旁有兩石獸鐫其膊

州輔
墓石

獸膊字
亦同

一曰天祿一曰辟邪據此則並獸名也漢有

天祿閣亦因獸立名

隋經籍志哀帝命向子歆嗣

父之業乃徙溫室中書于天祿閣上歆遂總羣篇撮

指要著七略大凡三萬三千九十卷

漢麒麟閣

蘇武傳宣帝甘露三年二月單于始入朝上思股肱

之美圖畫其人於麒麟閣

蕭何造漢官殿疏天祿麒麟閣蕭何造以藏祕書

畫賢臣

法其形貌書其官爵姓名唯霍光不名曰大司

馬大將軍博陸侯姓霍氏次曰衛將軍富平侯張安
世次曰車騎將軍龍頤侯韓增次曰後將軍營平侯
趙充國次曰丞相高平侯魏相次曰丞相博陽侯丙
吉次曰御史大夫建平侯杜延年次曰宗正陽城侯
劉德次曰少府梁邱賀次曰太子太傅蕭望之次曰
典屬國蘇武皆有功德知名當世是以表而揚之名

著中興輔佐列於方叔召虎仲山甫焉凡十一人皆
自有傳自丞相黃霸廷尉于定國大司農朱邑京兆
尹張敞右扶風尹翁歸及儒者夏侯勝等皆以善終
著名宣帝之世然不得列於名臣之圖以此知其選
矣注張宴曰武帝時獲麒麟時作閣圖畫其像於閣
以爲名師古曰漢宮閣疏名蕭何造見天祿閣圖廟記亦云蕭何造
何造按翼奉傳文帝時未有麒麟閣非蕭何造
張晏曰武帝獲麟作此閣師古引漢疏曰蕭何造然
麒麟必先有殿而後以閣附之翼奉曰孝文時未有
麒麟武臺等殿安得謂爲蕭何所造也趙充國以
功德與霍光等列畫未央宮成帝時西羌嘗有警上
思將帥之臣追美充國乃召黃門侍郎揚雄卽充國
畫頌
之

六典注麒麟閣亦藏書

漢白虎閣 堯閣

三輔黃圖未央宮有白虎閣屬車閣 三秦記曰未央宮有堯閣

漢延閣

藝文志孝文建藏書之策置寫書之官注如淳曰劉歆七略曰外則有太常太史博士之職內則有延閣

延長也

廣內祕室之府

隋志同

漢飛閣

西都賦輦路經營修塗飛閣自未央而連桂宮北彌明光而亘長樂 東京賦飛閣神行 上林賦高廊

四注重坐曲閣

閣之屈曲相連者

漢西閣

楊惲傳觀西閣上畫人指桀紂畫謂樂昌侯王武曰
天子過此一二問其過可以得師矣

畫人有堯舜禹湯不稱而舉桀紂

漢雲閣

甘泉賦乘雲閣而上下注高連雲也 西京賦長廊

廣廡途閣雲蔓注閣道如雲氣連蔓 東京賦秦結

雲閣冠南山注三輔故事秦二世起雲閣欲與山齊

漢宮閣疏凌雲閣秦二世造

黃圖雲閣

高如雲

故言雲

梁有重雲閣

漢阿閣

馬援傳馬嚴顯宗時拜將軍長史將五軍五校士羽

林禁兵三千人屯西河美稷

縣名

衛護南單于聽置司

馬從事牧守謁敬同之將軍敕嚴過武庫祭蚩尤帝

親御阿閣觀其士眾時人榮之 文選注周書曰明

堂咸有四阿然則閣有四阿謂之阿閣 周禮注四

阿若今四注屋古詩阿閣三重階

漢仁壽閣

在南宮 馬嚴傳永平十五年居洛陽顯宗召見進

對閣雅有詔留仁壽閣

一作閣

與校書郎杜撫班固雜

定建武注記

隋志明章重儒術四方鉅儒鴻生負

笈自遠而至者不可勝算石室蘭臺彌以充積於東
觀及仁壽閣集新書校書班固傳毅等典掌焉並依
七略爲書部固又編爲漢藝文志

漢東觀藏書閣

班昭傳

班固著漢書其八表及天文志未竟和帝

詔昭就東觀藏書閣踵而成之

晉三閣

魏三閣

晉祕書閣

隋經籍志魏氏采掇遺亡藏在祕書中外三閣

隋寫

王海卷一百六十三
正副二本藏于宮中其餘以實祕書外閣

魏略薛

夏云祕書爲內閣 鄭默傳拜祕書郎中掌中外三

閣刪省繁文除其浮穢始制中經 文選陸機表云

身登三閣注謂祕書郎掌內外三閣經書也晉令曰

祕書郎掌三閣經書 荀崧傳武帝崇儒西閣東座

河圖祕書 夏侯湛傳充三臺之寺盈中書之閣

南齊百官志晉祕書閣有令史掌眾書見晉令魏王

基傳召爲祕書郎王朗曰留祕閣之吏 唐六典祕

書省中外三閣掌典圖書古今文字皆在禁中兩漢

或徙金馬門外歷代不常其處注晉惠帝永平元年

詔別置祕書寺掌中外三朝圖書 穆天子傳以二尺黃紙寫上請付祕書藏之中經副在三閣

晉祕閣

南史徐廣傳晉孝武帝以廣博學除爲祕書郎校書

祕閣李充傳爲大著作郎分四部甚有條貫祕閣以

爲永制

陸機補著作作遊乎祕閣

臧榮緒爲晉書百十一卷齊建元中褚淵述其美置祕閣

文選陸士衡詩升降祕閣注卽尙書省也陸士衡

詩又曰絜身躋祕閣注祕書省亦爲祕閣 續晉陽

秋孝武帝好覽文藝敕著作郎徐廣料祕閣四部見

書凡三萬六千卷 宋謝靈運爲祕書監整祕閣遺

闕 梁祕書丞殷鈞校定祕閣四部書更爲目錄
元魏高謐除祕書郎專典祕閣繕寫圖籍 梁江子
一求觀書祕閣劉孝標典校祕閣 隋志後魏綴述
國史諸國記注盡集祕閣

梁石渠閣

文選注劉峻自序曰梁天監中詔峻東掌石渠閣

東魏麟趾閣

北史封隆之參議麟趾閣新制

見律令
在鄴都

興和三

年詔羣臣於麟趾閣議定法制謂之麟趾格冬十月
甲寅頒行